

孫樵 皮日休

竹居攷虞

全唐文
卷七百九十四之七百九十七

201999



孫 祖 虎 日 本

竹 居 樓 庫



全唐文 卷一百九十四 文選卷十四

欽定全唐文卷七百九十四目錄

孫樵

大明宮賦

露臺遺基賦

并序

出蜀賦

迎春奏

復佛寺奏

與李諫議行方書

與高錫望書



寓汴觀察判官書

與賈希逸書

與王霖秀才書

與友人論文書

自序

序西南夷

序陳生舉進士

興元新路記

梓潼移江記

六十四目錄

龍多山記

蕭相國真讚

文貞公笏銘

并序

潼關甲銘

蕭炎山詩記

蕭炎山詩記

蕭炎山詩記

蕭炎山詩記

蕭炎山詩記

蕭炎山詩記

蕭炎山詩記

蕭炎山詩記

蕭炎山詩記

蕭炎山詩記

欽定全唐文卷七百九十四

孫樵

樵字可之韓昌黎門人大中中進士

大明宮賦

孫樵齒貢士名旅見大明宮前庭仰瞻俯駭陰意靈怪暮
歸魂動中宵而寢寢彼大明宮神前有云且曰太宗皇帝
繚瀛啟居廓穹起廬圓然而劃隆然而赫孰窺孰隙永求
帝宅帝詔吾司其宮與日月終翼聖護艱十有六君蕩妖
斬氛孰知吾勤吾當廬陵錫武廟祔撤主吾則協二毗輔

左右提護義甲憤徒起帝仆周吾則械二黠雛俾卽其誅
胡獠飽脂踣肌齬骨驚血濺闕仰吠白日二聖各轍大麓
北挈吾則激髯孽悖節俾濟逆殺翼兩傑憤烈俾卽斲滅
薊梟妖狂突集五堂縱啄怒吞大駕驚奔吾則勵陰刀翦
其翼俾不得逃明殛三革蝕黑孰匪吾力吾見若正聲在
懸諍舌在軒輟黈延諫剗襟沃善賞必正名怒必正刑當
獄撤腥當稼吞螟吾則入瀆革濁入圍肉角旬澤暮溥糾
穀視土吾見若奸聲在堂諛舌在旁窒聰怫諷正斥邪寵
嘉賞失節怒罰失殺奪農而徭厚征而彫吾則反耀而彗

反澤而沴蕩坤而拆裂乾而石然吾畱帝宮中二百年昔
亦日月今亦日月往孰爲設今孰爲缺籍民其彫有野而
蒿籍甲其虛有壘而墟西垣何縮疋馬不牧北垣何蹙孤
壘城粒言未及闕樵迎斬其舌且曰余聞宰獲其哲得是
赫烈老魅跡結爾曾何伐宰獲其慝得是昏蝕魅怪橫惑
爾曾何力今者日白風清忠簡盈庭闔南俟霈闔北俟霽
矧帝城闐闐何賴窮邊帑廩加封何賴疲農禁甲飽獐尚
何用天下兵神曾何知孰愧往時神不能對退而笑曰孫
樵誰欺乎欺古乎欺今乎吁

露臺遺基賦

并序

武皇郊天明年作望仙臺於城之南農事方殷而興土工
且有糜於縣官也樵東過驪山得露臺遺基遂作賦以諷
之
驪橫秦原東走盤連其土如積其高逾尺隱於修岡屹若
環堂徘徊山下問於牧者對曰惟昔漢文爲天下君守以
恭默民無怨慝天下大同帝駕而東經營相視茲山之址
乃因其崇以興土功茲臺之基軫於帝思旣命其吏校之
經費乃下詔曰朕以涼德君於萬國唯日兢兢如蹈春冰

高祖惠宗肇啟我邦墉作此宮室庶幾無逸逮夫朕躬孰
敢加隆矧糜府財以經此臺周爲靈臺成乎子來文王以
昇以攷休徵此臺以平周德惟馨章華雖高楚民亦勞靈
王宣驕諸侯不朝民旣攜貳王遂以死豈朕不懲斯役實
興鳩材集工以害三農斯豈文王靈臺之不日哉宣詔有
司亟令罷之此遺基之所以存者乎卒歌而去之且曰彼
通天兮鞅埃壻之巍巍此靈臺兮蔽秋草之離離已而訖
而世無比兮吾孰知其是非

出蜀賦

辛酉之直年兮引敗軍而言旋濟潼梓之重江出大劒之
複關駭天險之重阻兮峙連岡而外坤譎石詭崖汨汨其
城屬兮屹紆鬱于雲昏嵌崟崟而查牙兮上攢羅布而戛
天中呀折以隙斜兮途詰屈而隘穿以去以來奔蹄疾足
兮鼠出乎穴間蹇余馬之不息屈峽山之偏側劃崇巒
而急來水涵空而混碧途迫高而緣深不尺直而又曲跬
危步之促促慄若跣而蹈棘朝天雙峙以虧蔽中慘慄而
陰翳倏下馳而上迴若出地而天開龍堂呀呀而上啟怪
若虎踞而欲噬泉觱沸而中冽靈窳窳乎像設眇山川而

懷古得籌筆於途說指前峯之孤秀傳卧龍之餘烈嘗杖
師而北去抗霸國而此決曾尺疆之不關徒齎志而灰滅
越百牢而南指憩石門之委邃六陰崖而戶開屹巍巍以
皚皚外攢怪石之參差今勢業截而山排狀若鬱雲之始
騰又似乎潮波之却頽中窅窅以窅豁敞曠朗而洞達摧
崑泉之潛潛鏘環珮於閨闥躡危石而後通忽泱泱而無
窮包溪懷壑而爲深今繚巒岡而四崇蘿薜羃歷於崑穴
兮雲木森其青蔥鬱桂椒與木蘭兮芬淑郁而駭風不可
以久畱兮車軋軋而又東陟雞幘之險墟下七折之峻阪

褒斜紆其隘束兮左窮溪兮右重巘綿飛棧而屬危梁兮
續畏途而呀斷下臨千仞之驚流兮波瀕洞而雷扑當元
冬之隆烈觸密雲之飛噴舞迴飈而揚九垓天地紛其漫
漫路縈積以迷沒馬蕭蕭而不進心悸悸而程不敢逸兮
徒僚慄而興歎出大散之奧區若脫足於囚拘涉汧渭之
汭汭歷岐雍之通途田原鬱以澶漫兮彌千里而爲都背
槐里而趨咸陽兮索嬴劉之舊墟承明冀闕緬以夷漫兮
得隱鱗之頽隅獨五陵之尚完兀高平而草蕪抵長都之
岌岌排閭闔而西入何天衢之廣闊仰白日之赫赫穀弱

弓而滿鉛鏃兮卽澤宮而睨的夫何疏貢之缺條兮忽有
司之吾斥曾不得而上達兮居悒悒而不適闕庭藹其多
士兮皆云亟夫賢索不自分其能否兮瞰朱門之投蹟蔑
一人之我先若捧水而投石念初心之來斯豈窮愁而徒
疑忽徊徊以惶惶蹇東西而獨悲因默默以心計兮思展
轉而自非胡不知進之與道謀兮徒盛氣而憤時不知求
己以爲慮兮而患人之不知九衢廣其茫茫兮混埃壒而
紅飛漂世波而上下兮旁窮走而相追不勞乎於是謝
唯唯之面朋而焚逐逐之躁機餒不飽謀不燠謀兮環

晦墻而闔扉邀仁義與之爲友乎追五經而爲師徜徉文章之林圃兮與百氏而驅馳不穀吾不恥穀亦吾不辭彼主張爲公者豈終吾遺哉

轉而自迎春奏

黑帝歷窮帝命青帝嗣其公皇帝備牲牢鼓鐘迎饗于郊東賤臣樵寓疏太常上奏曰天有四時陛下實行之是天乘陛下政令明昏而爲燠寒也青帝何功而饗乎寬空春之日陛下廩以時出帛以時卹則蘗芽弩拔勾萌畢達矣夏之日陛下農事無所奪山麓無所伐則草木茁茁國無

天札矣秋之日陛下獄無曲決畋無圍殺則霜露不失節
萬物固結矣冬之日陛下地氣不掘洩室屋不徹發則豐
隆不敢擊越百蟄塞穴矣聖人之時日南無驕陽啟蟄無
繁霜斗北無伏陰火西無滯霖淫昏之世反膏而波反冰
而花雹傷螟嚙旱赤雨血是陛下政令出乎修明則寒暑
運行政令出乎淫昏則災祥屢臻其可忽乎臣又聞陛下
與人爲春得革慘作和起耕生華喜滿其家沃穆歡咳如
煖景時開樹色煙光覺葱蘢芳蒼陛下與人爲秋得愁刮
人魄風日冷白慄慄蕭索覺庭槐枯落陛下與人爲夏得